



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

XV. V. Semper & necessariò diuisa Confessio sit iteranda.

urn:nbn:de:hbz:466:1-30362

Caput IIII. De Confessionis

TERTIO, cùm Confessio per se, & ex intentione diuisa est.

QVARTO, vbi nulla prorsus est determinatio peccati, quæ aliquo falso modo sit attritio, eiusmodi Confessio nulla est, & invalida. Nam Confessio est legitima peccatorum declaratio, per modum accusationis. Vbi autem nulla est contritionis scintilla, ibi Confessio nullam habet accusationis imaginæ; sed similis est historicæ narrationi: quippe quæ nihil aliud sit, quam simplex peccatorum enumeratio. In omnibus illis casibus confitens ponit obicem Absolutioni: ideoq; Confessio eius invalida redditur, & iteranda est.

Quæstio XV. *Semp̄ne & necessariò diuisa Confessio est iteranda?*

Respoſio. *S*i diuisio Confessionis de industria fiat, iustaque cauſa destituatur, peccatum est; & ita confitens si absoluatur, vsque adeò nullum fructum percipit, vt se noui sacrilegij reum faciat.

SECVNDO, si verò Confessio diuidatur scienter ob causam excusantem; vt, si integrè fieri non potest sine periculo corporis, vel animæ, vel famæ &c. tunc licetē fecatur, & ita qui confitetur, non ponit obicē: quare & Confessio valida est, & nō iteranda; quamquam maneat obligatus peccator, quæ subticuit,

ticuit, seu occultauit peccata, tempore de-
bito confiteri; cum id citra periculum face-
re poterit commode.

TER TIO, si obliuio in causa sit, cur
Confessio minus integrè fieri potuerit. Cum
autem obliuio bipartita sit, distinctā oportet
adhibere responsonem. Nam obliuionis
causa potest esse, vel segnis & perfunctoria
conscientiae examinatio, vel præcessit sedula
ipsius disquisitio, & præterea nullum oc-
currit memoriae peccatum. Si prior obliuio-
nis causa heret in poenitente, & sit periculum
mortis, aut tempus cōmunionis instet, nec
extra scandalum prætermitti possit, tunc si
de peccatis doleat, simul & de negligentia
debitæ discussionis; in tali casu ob articulū
necessitatis, quia non superest sibi tempus
conscientiam discutiendi, debet absolui, &
valet Absolutio. Probatur, quia si non esset
absoluendus, id cōtingeret, vel maximè, quia
ponit obice secando Confessionem; sed hoc
locum non habet, quia in hac diuisione duo
præstat, scilicet, confitetur peccata, quæ me-
moriae occurrunt, & ea, quæ non occurrunt,
non confitetur: Sed peccata, quæ occurrunt,
confitendo, non peccat, & ea, quæ non oc-
currunt, non confitendo, non peccat; quia
obliuio eñ excusat. Negligentia etiam præ-
terita nō obstat, quia huiusmodi negligen-
tia per penitentiam; de ea habitam, excu-
satur, nec aliud potest ille peccator agere in
tali

Caput IIII. De Confessionis

tali articulo necessitatis positus. Igitur impendenda est ei Absolutio ob necessitatem, & valida erit, nec tenebitur postea, si periculum euadat, eadem peccata iterato confiteri; quāuis teneatur supplere negligentia priorē, diligenter discutiendo conscientiam suam, ut postea confiteatur plenē & integrē.

Extra articulum verò necessitatis, qui ex obliuione, ex negligentia proueniēt, Confessionem partitur, quamuis doleat de priori negligentia, non venit absoluendus, & si absoluatur, Confessio est invalida. Ratio, quia cùm ipsi superfit tempus ad conscientiā discutiendam, & eam discutere non vult, sed petit absolui, eo ipso ponit obicem Absolutioni ob Confessionis diuisionem, quę causa est ut iterari debeat.

Si denique Confessio diuidatur ex ignorantia, siue iuris, siue facti, qua credidit, nō esse peccatum, quod fecit, cùm tamen revera peccati esset; tunc iterum distinguatur; quia vel talis ignorantia, ex qua peccatum illud fecit, fuit invincibilis, vel non: Si primum, quamvis pœnitens illud non confiteatur, ut peccatum, nec velit de illo, ut de peccato, conteri, non est illi deneganda Absolutio, si aliud non obstat, de quo pōst, & Absolutio impensa erit valida, nec est iterata talis Confessio: Si verò talis ignorantia fuit culpabilis, & nolit de illo peccato conteri, nec illud confiteri, tunc culpabiliter dicit,

uidit, & ponit obicem, nec absoluendus venit. Quare Absolutio sic impensa, erit vana & Confessio iteranda.

Cum Sacerdos scit, confitentem peccatum aliquod commisisse, et tamen videt eum illud ex obliuione inculpabili non conferi; teneturne confitenti illud in memoriam reuocare?

Distinguendum est. Vel peccatum illud fuit solum in offendam DEI commissum, vel etiam in damnum proximi.

Si primum, non tenetur Confessarius illud peccatum oblitum cōfidenti in memoriam reuocare: quamuis ei esset valde utile. Verbi gratia. Commisit confitens fornicationem, vel adulterium, vel incestum, vel blasphemiam contra D E V M vel Sanctos; vel votum, vel iuramentum, sine alterius damno, violavit &c. non tenetur Confessor sciens confitentem illius peccati inuincibiliter oblitum certiorem facere.

Ratio est, quia id necessarium foret, vel ad integrē confitendum, vel ad consequendum veniam à DEO & Ecclesia: Vel demūm, ut p peccatis admisis satis fieret. Sed nihil horū locū habet in poenitente, qui per obliuionē culpa vacantem aliquod prætermittit.

Non primum, quia ad integritatem Cōfessionis seruādā, satis est, si peccator omnia mortalia,

Respoſio: